

山川

中條山在縣東五里起自蒲坂迤邐而北隨在異名蟠鬱數百里西接安邑南通平陸東距垣曲在夏縣者特東北一隅耳崇巒聳翠爲邑勝境

瑤臺山在縣東五里高一里許孤峰峭拔蒼翠摩空爲邑人遊賞之所中秋尤盛隋書名巫咸山商相巫咸巫賢墳祠俱在山麓天聖宮在祠之右蓋爲墳祠設也知縣胡柟於峰巔建塔以象文峰後地震傾頽知縣蔣起龍重修

解州全志

卷之二

夏縣

山川

雷公洞在瑤臺山石岩萬栢林中肖像雷神

稷王山在縣西七十里接稷山界下有蛇虎澗相傳后稷始生棄此故名

礎山在縣西北七十里卽稷王山之支山也崖間老栢蒼翠古刹幽雅

鳴條崗在縣西二十里北連閩喜南接安邑今呼爲峩嶓嶺相傳以爲湯與桀戰處

翠巖山縣東二十里青翠可掬綿亘數十里北入閩喜界

溫泉山縣東百里一名牛首山陶弘景古今錄夏孔甲

八年九月歲次甲辰採牛首山之鐵以鑄劍卽溫泉山也上有礦洞明嘉靖中有道士寓此私煉自給後漸露河南盧氏礦徒劫取殺人巡鹽御史竹厓王公聞於朝隨檄河東守巡防禦之頗擾民後平陽府同知駐節於此添設平陽衛兵八百防護騷擾益甚知縣胡柟申詳罷之以省祭官統藥箭手代戍 國朝康熙四十六年太原人高華等叩闕擬開礦以充兵餉奉

旨入洞取沙燒煉無所得高華等俱以欺罔治罪

栢塔山縣南二十里古栢千株上聳無枝離奇夭矯狀

解州全志

卷之二

夏縣

山川

二

似龍蛇林中建寺寺後建塔故名中一栢琦瑰磊落獨大於衆號栢母一邑奇觀王翰詩翠竹摧梢失鳳凰詩注人呼山爲鳳凰頭山又名抱珠山

風洞在栢塔山後石巖中深不可測風自竅中出有聲明知縣姜洪冀大其竅遂無風聲

雲谷山在縣東南三十里盤踞數十里數峰崇聳中有大谷谷中雲四起輒霖雨數日故名

古石罨一名將軍嶺雲谷山北一峰也嵯峨磔砢難以名狀上有古洞洞中泉水瀦而復流澄瑩可愛陟其巔蹉海洪河舉在目焉

虞坂山在縣南十五里路通平陸土人名三橋坡晉人假道於虞以伐虢處

鳳凰山在縣東北四十二峰殊秀相傳鳳凰曾集於此  
故名

柳谷在縣南十五里中條山內唐陽城寓居於此今其地名陽公鄉舊志謂卽柳宗元居不知何據集覽謂陽城隱柳谷乃張掖郡柳谷尤譌

巫谷在瑤臺左白沙河所出

方山在縣北橫洛渠源此

玉溪洞在縣東南七里中條山谷間洞深一丈五尺濶

解州全志

卷之二

夏縣

山川

三

一丈俯瞰溪流清澈可愛石巖鑿玉溪二字溫公嘗隱此讀書明馬駸有玉溪賦又通谷村觀音寺後亦有洞塑公像以爲公讀書處

北晉村洞在縣南三十里中條山村後有洞溪水遶流洞前禾草經霜不凋相傳張果隱此

涑水在縣西三十里源出絳縣橫嶺山乾洞伏流地中復出西經聞喜入縣境至安邑合姚暹渠入五姓湖歷猗氏臨晉過蒲州孟明橋入黃河統計河身長八十七里在縣境者僅四十里岸高河廣不致淤塞

國朝乾隆十一年奉文大濬夏通流無阻

白沙河一名巫咸河又以水入池則鹽不生故土人名無鹽河發源中條山巫咸谷經邑覽勝樓南小南關北折而西北流三十里南會姚暹渠歷代以來率潰決爲患明萬歷十四年河決北堰飄沒南關居民無數知縣柳佐高奎迭加修濬天啟間水漲復爲民害知縣程登龍再修崇正六年水自谷口南徙不由故道繞出小南關之南 國朝順治十年北堰復決水入東門官衙廟宇俱被浸沒舊志載白沙河流高出地上勢若建瓴決而南則破李綽堰而害及鹽池決而北則害及城關而餘波延及村落兩旁雖有舊堰

解州全志

卷之二

夏縣 山川

四

沙土淺薄率易損壞乾隆二十七年 撫憲明公會

同鹽憲薩公

奏准酌撥存留公項銀七千餘兩又動鹽法存貯銀四千兩築南北石堰約計五里并酌定章程嗣後北岸責令民修南岸歸入鹽法歲修維時督其事者河東副憲沈公運憲吳公承修者州守言如泗縣令李遵唐也帮築土胎加砌灰石高一丈暨一丈三尺不等頂寬一丈有餘從此堅鞏高厚蜿蜒綿亘誠一勞永逸計也附近民田引水灌溉並食其利

青龍河在縣北三十里盤曲如龍匯入橫洛渠

橫洛渠發源縣東北周村方山諸谷流至縣西北尉郭會縣北趙村北津諸河至禹王城西南入白河每遇霖潦決堤淹沒民田歲加修濬

湧金泉在縣西南十里墻下村西入安邑黑龍潭相傳此水潛入鹽池則鹽花始生

蓮花池二一在城中西北隅環一頃八十畝一在城東北隅差小兩池皆植蓮盤曲相通蓋源泉也舊於城西北隅置鐵窻以洩之今改置磚洞於西門之北城墻外覆之以橋縣令梅士傑命僧願智募修

惠泉在五里橋南舊有泉匯而爲澤周圍僅十數步泉解州全志 卷之二 夏縣 山川 五 水騰湧從官路自東而西經辛莊村居民苦之乾隆壬午知縣李遵唐令從官道東南流又諭民開渠灌田獲自然之利故名

### 渠堰附

姚暹渠在縣西南卽李綽堰之下流也舊名永豐渠源出平陸至縣境王峪口北流合史家峪雕崖溝等水至五里橋名李綽堰西轉三里始名姚暹渠又折而南會巫咸河入安邑苦池灘以達五姓湖統計姚渠長一百二十里在縣境者自五里橋起至安邑苦池止計長二十六里渠之南堰以及渠底鹽法歲修並

商捐辦理北岸地高渠下原無堤堰 國朝乾隆十九年二十七年兩次修濬詳見運志

司馬渠引涑水以灌民田傳爲溫公開濬以灌田園故名

蓮花堰二俱在墻下村南防湧金泉流入鹽池匙尾堰中花堰軒轅堰二以上諸堰皆防姚暹渠崩決之患而殺其急流之勢也

高德鐵堰在縣北五十里中條山谷水北注聞喜美陽川大澤中北溢爲小澤復南溢入縣境青龍河古建石堰督工者高德也故名

風俗

夏邑水利沃饒樹木蔥蔚其民力田服賈女勤織紡務蓄積重節省是以土田狹隘而號稱富庶急公好義由來久矣惟民性健訟詬誶錙銖動輒絮聒公庭讀書不加少科第仕宦邇者稍不如昔後之君子追念柳州之文章法度溫公之相業經綸毋自囿於方隅則得矣

解州全志

卷之二

夏縣

風俗

七

物產

桂

蘇屬一曰豆名詩大雅在菽旆旆山西通志出夏縣

梨

邑境多有惟縣南傍李綽堰為盛春杪花開長干縱目瓊堆雪照稱大觀焉

核桃

附近州縣胥植而夏邑甲於隣治臘月望日市集堆積如山

粟

出縣東山小者最佳許維新巡視河東記曰夏縣宜木多果窳故生植特茂粟其一也

葡萄

安邑最盛縣亦有之王翰賦序洪武辛酉謁禹廟有以葡萄酒見餉者其甘寒清冽雖金柈之露玉柈之霜不能過又詩云甘漿細挹經懸溜淺沫輕浮絳雪

明

藕

城內兩蓮花池胥植藕此疆彼界晝然不蒸花有紅白二色紅者結蓮房白者蕊瓣隆起宛如芍藥開時

解州全志

卷之二

夏縣

物產

八



花映霞明蓋擎綠淨一邑勝概爲山右所罕見也  
雉

禹貢羽畎夏翟雉尾至夏則光澤故又名夏翟山西  
通志出夏縣東山

解州全志

卷之二

夏縣 物產

九